

05. november 2019

UKA 2019/7-2

2020-mut aningaasanut inatsisissatut siunnersuut.

(Aningaasaqarnermut naalakkersuisoq / Naalakkersuisoq for finanser)

Siullermik Aningaasamut Akileraarnermullu Ataatsimiititaliaq ukiumut 2020-imut aningaasatigut inatsisassamik suliaqarluarsimaneranut qutsavigaarput.

Siumumiit maluginiarparput inatsisissap aappassaaneerneqarnissaata Suliarineqarnerani annertunerusumik Siumumiit siullermeerinninnermi Anguniakkatut oqariartuutigut suli anertunerusumik ilanngunneqarsimanngitsut.

Taamaattumik Siumumiit naatsorsuutigilluinnarparput oqariartuutigut pingajussaaarinninnissami eqqummaariffiqineqarumaartut.

Nunatta aningaasaqarnikkut aalisarneq toqqammavigilluinnarpaa. Taassumalu ukiuni tulliuuttuni isertitsissutigisarnera ilimagineqarpoq appariartulersinnaasoq. Taamaattumik Siumumiit pingaartipparput aningaasarsiorfiit allat piaartumik isaatitsissutissatut pilersaarusiornissaat anguneqarnissaallu piviusunngorteqqullugu.

Nuummi, Ilulissani aammalu Qaqortumi mittarfiit pilersinneqarnerisigut naatsorsuutigaarput takornariaqarnikkut isertitatta amerlanerulernissaat. Tassani aamma nunap sinnerani mittarfinnik pilersitsiortornissaq naatsorsuutigaarput Naalakkersuisunit sukkanerusumik sulissutigineqassasoq.

Nunatsinni inuit ikittunnguuvugut taamaattumik mittarfinnik sanaartornerput takornariat aqqutigalugit annertunerpaamik akilersorneqassapput.

Tassani eqqaaneqarsinnaavoq Kangerlussuup atatiinnarneratigut periarfissarpasuit nutaat ullumikkut piginngisatta aamma takkunnissaat. Periarfissat pingaarluinnartut ilagilissavaat Sisimiuniit Kangerlussuarmut aqqusinissaq.

Naalakkersuisunut piumasareqqissavarput nunatta tamarmi aningaasarsiornikkut periarfissaqarneq aallaavigalugu periarfissinneqarnissaa sulissutigissagaat.

Siumup pingaartippaa nunatsinni kommuuni suleqatigilluinnarnissaat, taamaattumik Naalakkersuisut ilungersortumik qinnuigissavagut kommuuninut ataatsimoortumik tapiissutit pillugit isumaqatigiinniartarnerit piaarnerusumik ingerlanneqartarnissaannik. Tamatta soqutigisarivarput inoqarfinni tamani sullissinerit eqqumaffiqineqartarnissaat. Uanilu kommuunit tasaapput sumiiffinni ataasiakkaani ilisimasaqarnerpaat.

Siumumiit pingaartipparput nunatta immikkoortuisa tamarmik ineriartornissaminnut periarfissaqarnissaat Naalakkersuisunit qulakkeerneqassasoq.

Aningaasanut Inatsisissap siullermeerneqarnerani Siumumiit pingaartipparput ukiumut 2020-imut Aningaasanut Inatsisissap suliarineqarnerani aningaasaliissutit sinerissamut siammasissumik inissinneqarnissaat

Avataaniit sullissinernut aningaasartuutit apparneqarnissaat Siumumiit angorusupparput.

Taamaattumik

Naalakkersuisunut piumasarissavarput aningaasaliissutit tassunga tunngassuteqartut 30-80 mio. kruuninik appartinneqarnissaat sulissutigeqqullugu.

Aningaasallu tassani pilersinneqartussat atorneqassasut innuttaasut minnerunngitsumik akissaatikinnerusut utoqqaallu atugarisaasa pitsaanerulernissaannut.

Siumup tungaanit upperaaput nunarput inuilu aningaasaqarnikkut siuariartornissatsinnut nukissaqartugut.

Taamaattumik Naalakkersuisut nunanit allaniit attartornikkut aningaasaliissutissanik periarfissarsiorsinnaanerat ammaqqussavarput.

Siumumiit kajumissaarutigissavarput Partiit amerlanersaat peqatigiillutik oqaloqatigeqqeqqullugit. Isumaqaratta ukiunut amerlasuunut tunngavissanik atasinnaasunik isumaqatigiissuteqarnikkut anguneqassasoq nunatta aningaasarsionnikut aammalu inuisa nunanut allanut aallaranninnerunissaannik kinguneqartumik

Taamatut oqaseqarluta Aningaasanut Inatsisissamut siunnersuut Aningaasaqarnermut Akileraarnermullu ataatsimiititaliamut suliarisassanngorlugu ingerlatipparput.

Hermann Berthelsen
Siumut